



Dioplóma i
Múineadh na Gaeilge
(Foghlaimoirí Fásta)

Ionad na dTeangacha
Ollscoil Mhá Nuad
Maigh Nuad
Co. Chill Dara

(01) 708 3737
teanga@nuim.ie
www.maynoothuniversity.ie/language

PÁIRTAIMSEARTHA
LEIBHÉAL 7
10 SATHARN
CÁILÍOCHT PHROIFISIÚNTA

Léargas Ginearálta

Bunaithe ar thaighde ar an dea-chleachtas in oiliúint múinteoirí, d'fhorbair Ionad na dTeangacha an cúrsa Diplóma seo i 2012.

Cuirtear béim láidir sa Diplóma ar an gcleachtadh teagaisc sa seomra ranga. Tá béim ar an bhféin-anailís, ar an bpiar-mheasúnú agus ar thacaíocht phraiticiúil don mhúinteoir. Beidh deis ag gach rannpháirtí tacaíocht agus comhairle a fháil ó mheasúnóir a thabharfaidh trí chuairt ar an rannpháirtí le linn dó /di a bheith i mbun teagaisc. Déanfar taifeadadh físe ar gach ceann de na cuairteanna sin agus beidh na taifeadtaí físe mar bhunús le hobair leanúnach an chúrsa. Déanfaidh na rannpháirtithe féin-mheasúnú ar na taifeadtaí físe agus gheobhaidh siad aiseolas ón measúnóir chomh maith.

Feidhmeanna an Chúrsa

- Oiliúint a chur ar fáil do rannpháirtithe maidir le conas Gaeilge a mhúineadh d'fhoghlaimoírí fásta.
- Cur le scileanna teagaisc na rannpháirtithe.
- Cur le heolas na rannpháirtithe ar an taighde is deireanaí a rachadh chun tairbhe dóibh i múineadh na Gaeilge d'fhoghlaimoírí fásta.
- Deis a thabhairt do rannpháirtithe smaointe, moltaí praiticiúla agus tuairimí a mhalartú.

Riachtanais Iontrála

Chun áit a fháil ar an gcúrsa beidh ar iarrthóirí scrúdú iontrála agus agallamh a dhéanamh. Scrúdú scríofa agus cainte ag Meánleibhéal 2 (B2) de Theastas Eorpach na Gaeilge a bheidh i gceist leis an scrúdú. Beidh ar a laghad 70% ag teastáil i ngach scil (scríobh agus caint) chun a bheith san áireamh d'áit ar an gcúrsa, agus beidh ar gach iarrthóir freastal ar an scrúdú seo. Beidh an t-agallamh ar siúl an lá céanna ina ndéanfar oiriúnacht na n-iarrthóirí don chúrsa a mheas. Beidh an t-agallamh mar chuid den scrúdú cainte.

Tá eolas faoi scrúduithe TEG, mar aon le páipéir shamplacha ag Meánleibhéal 2 (B2) le fáil ar www.teg.ie. Is scrúdú scríofa agus scrúdú cainte amháin a bheidh i gceist sa scrúdú iontrála seo – ní bheidh scrúdú éisteachta ná léitheoireachta i gceist.

Deiseanna Fostaíochta

Tá céimithe an chúrsa seo ag obair mar mhúinteoirí Gaeilge in ollscoileanna agus i gcoláistí tríú leibhéal agus aosoideachais in Éirinn, agus le heagraíochtaí Gaeilge ar fud na tíre.

Struchtúr an Chúrsa

Ceadlanna

Beidh ar rannpháirtithe freastal ar 10 gceardlann i rith thréimhse an chúrsa. Déanfar cur i láthair sna ceadlanna ar ábhar an chúrsa. Beidh na ceadlanna ar siúl idir 9.30 am agus 4.30pm ar 10 Satharn i rith na bliana acadúla. Beidh béim láidir ar an idirghníomhaíocht sna ceadlanna agus tabharfar deis do rannpháirtithe smaointe a roinnt agus tuairimí a mhalartú.

Cleachtadh Teagaisc

Beidh ar rannpháirtithe an chúrsa 40 uair an chloig teagaisc a dhéanamh le linn an chúrsa. Is faoi na rannpháirtithe féin atá sé an cleachtadh teagaisc sin a eagrú. Tabharfar 3 chuairt ar an rannpháirtí le linn dó/di a bheith i mbun teagaisc. Déanfar taifeadadh físe ar gach ceann de na cuairteanna sin.

Filleán Teagaisc

Beidh ar gach rannpháirtí fillteán teagaisc a choinneáil le linn an chúrsa. Obair leanúnach atá i gceist leis an bhfillteán seo agus beidh sé bunaithe ar na ceadlanna, ar an bpleanáil ranga, agus ar an bhféin-anailís ar an teagasc.

Tionscadal (An Teagasc Machnamhach)

Beidh tionscadal le déanamh ag rannpháirtithe le linn thréimhse an chúrsa. Beidh an tionscadal seo bunaithe ar an anailís a dhéanfaidh siad ar a gcuid teagaisc.

Teagmháil

Chun cur isteach ar áit ar an gcúrsa seo, líon isteach an fhoirm iarratais agus seol ar ais chugainn í roimh an spriocdháta (na sonraí ar láithreán gréasáin na hollscoile). Tá costas € **500** ar an gcúrsa agus tá táille riaracháin €30 le híoc. Is féidir an fhoirm agus an táille a sheoladh chuig:

Diplóma i Múineadh na Gaeilge

Ionad na dTeangacha

Ollscoil Mhá Nuad

Má Nuad

Co. Chill Dara

Is féidir teagmháil a dhéanamh linn ag teanga@nuim.ie nó (01) 708 3737.

Tá foirm iarratais agus eolas maidir le costas an chúrsa agus an spriocdháta iontrála le fáil ag www.maynoothuniversity.ie/language.